

第五四二冊

博物彙編

草木典

(卷)

鬼臼部 鬼針部 王孫部 郎罷

部 佛甲部 仙人部 鎖陽部

拳參部 二三

附子部 側子部 二七

天雄部 烏頭部 二六

益母部 貝母部 知母部 二六

女萎部 女青部 女菀部 蚤休 二五

部 防己部 一三

商陸部 決明部 連翹部 對廬 二三

部 當歸部 百部部 三七部 列當 二三

部 曲節部 由跋部 坐拳部

格注部 離隔部 一三

貫衆部 遠志部 漏蘆部 續斷 (卷)

部 獨活部 及己部 飛廉部 吉利 一三

部 都管部 橫目部 穀精部

夫王部 寇脫部 一四

鉤吻部 景天部 雲實部 雷丸部 防風 一五

部 積雪部 恒春部 半夏部

夏枯部 地榆部 一六

地黃部 地錦部 地筋部 地衣 一七

部 山柰部 常山部 石斛 一八

石松部 石韋部 石莖部 石斛 一八

部 石帆部 石蕊部 絡石部 一九

崖櫻部 秦朮部 一九

古今圖書集成

中華書局影印

古今圖書集成

欽定古今圖書集成博物彙編草木典

第一百二十六卷目錄

鬼臼部彙考

鬼臼圖

鄭樵通志 昆蟲草木略

本草綱目 鬼臼

鬼臼部藝文一

羞寒花贊

鬼臼部藝文二詩

瓊芝軒

鬼臼部雜錄

鬼針部彙考

本草綱目 鬼針草

王孫部彙考

王孫圖

本草綱目 王孫

王孫部紀事

王孫部雜錄

郎罷部彙考

郎罷圖

爾雅 釋草

本草綱目 狼把草

佛甲部彙考

佛甲草圖

本草綱目 佛甲草

仙人部彙考

仙人草圖

本草綱目 仙人草

仙人部藝文

仙人草贊

鎖陽部彙考

鎖陽圖

本草綱目 鎖陽

鎖陽部雜錄

拳參部彙考

拳參圖

本草綱目 拳參

朱謝惠連

草木典第一百二十六卷

鬼臼部彙考

釋名

鬼臼 本經

天白 別錄

解毒 別錄

馬目毒公 本經

羞天花 綱目

瓊田草 綱目

九日 本經

鬼藥 綱目

爵犀 本經

害母草 圖經

木律草 綱目

獨脚蓮 土宿本草

獨荷草 土宿本草

旱荷 綱目

唐婆鏡 蘇東坡詩集

羞寒花 盆部方物記

山荷葉 綱目

八角盤 綱目

羞寒花 盆部方物記



鬼臼圖

鄭樵通志

昆蟲草木略

鬼臼曰雀犀曰馬目毒公曰九日曰天曰曰解毒藥如荷葉形似鳥掌年長一莖莖枯則根爲一白服食家用之以九日相連者爲佳亦名八角盤以其葉然也

本草綱目

鬼臼釋名

陶弘景曰鬼臼根如射干白而味甘九日相連有毛

者良故名

李時珍曰此物有毒而曰如馬眼故名馬目毒公殺蠱解毒故有犀名其葉如鏡如盤如荷而新苗生則舊苗死故有鏡盤荷運害母諸名蘇東坡詩集云瑞田草俗號唐婆鏡即本草鬼臼也歲生一曰如黃精根而堅瘦可以辟穀宋祁劍南方物贊云羞天花蜀地處處有之依莖綴花蔽葉自隱俗名羞天子改為羞寒花即本草鬼臼也贊云冒寒而茂莖修葉廣附莖作花葉蔽其上以其自蔽若有羞狀別有羞天草與此不同即海芋也

集解

別錄曰鬼臼生九具山谷及冤句二月八月采根

陶弘景曰鬼臼生山谷中八月采陰乾似射干木輩又似鉤吻有兩種出錢塘近道者味甘上有叢毛最勝出會稽吳興者大而味苦無叢毛力劣今馬目毒公狀如黃精根其白處似馬眼而柔潤今方家多用鬼臼而少用毒公不知此復乖越如此

蘇恭曰鬼臼生深山巖石之陰葉如莖麻重樓輩生一莖莖端一葉亦有兩岐者年長一莖莖枯則為一曰假令生來二十年則有二十日豈惟九日耶根肉皮鬚並似射干今俗用多是射干而江南別送一物非真者今荊州當陽縣峽州遠安縣襄州荊山縣山中並貢之亦極難得

蘇頌曰今江寧府滁舒商齊杭襄峽州荊門軍亦有之並如蘇恭所說花生莖間亦色三月開後結實又一說鬼臼生深山陰地葉六出或五出如鴈掌莖端一葉如繖巨時東向及暮則西傾蓋隨日出沒也花

紅紫如荔枝正在葉下常為葉所蔽未嘗見日一年生一莖既枯則為一曰及八九年則八九白矣然一年一曰生而一曰腐蓋陳新相易也故俗名害母草如芋魁烏頭輩亦然新苗生則舊苗死前年之曰腐矣而本草注謂全似射干今射干體狀雖相似然曰形淺薄與鬼臼大異鬼臼如八九箇南星側比相疊而色理正如射干用者當使人求苗采之市中不復有也

李時珍曰鬼臼根如天南星相疊之狀故市人通謂

小者為南星大者為鬼臼殊為謬誤按黃山谷集云唐婆鏡葉底開花俗名羞天花即鬼臼也歲生一曰滿十二歲則可為藥今方家乃以鬼燈檠為鬼臼誤矣又鄭樵通志云鬼臼葉如小荷形如鳥掌年長一莖莖枯則根為一曰亦名八角盤以其葉似之也據此二說則似是今人所謂獨腳蓮者也又名山荷葉獨荷草早荷葉八角鏡南方處處深山陰密處有之北方惟龍門山王屋山有之一莖獨上莖生葉心而中空一莖七葉圓如初生小荷葉面青背紫採其葉作瓜李香開花在葉下亦有無花者其根全似蒼木紫河車丹爐家采根制三黃砂汞或云其葉八角者更靈或云其根與紫河車一樣但以白者為河車赤者為鬼臼恐亦不然而庚辛玉冊謂蚤休陽草早荷陰草亦有分別陶弘景以馬目毒公與鬼臼為二物殊不知正是一物而有二種也又唐獨孤沼丹房鏡原云木律車有二種根皆似南星赤莖直上莖端生葉一種葉凡七瓣一種葉作數層葉似蓖麻面青背紫而有細毛葉下附莖開一花狀如鈴鐸倒垂

青白色黃藥中空結黃子風吹不動無風自搖可制砂汞按此即鬼臼之二種也其說形狀甚明

根氣味

辛溫有毒

別錄曰微溫

陶弘景曰甘溫有毒

甄權曰苦

徐之才曰畏垣衣

主治

本經曰殺蟲毒鬼疰精物辟惡氣不祥逐邪解百毒別錄曰殺大毒療咳嗽喉結風邪煩惑失魄妄見去目中膚醫不入湯

甄權曰主尸疰瘧瘵勞疾傳尸瘵疾

李時珍曰下死胎治邪瘧癰疽蛇毒射工毒

發明

蘇頌曰古方治五尸鬼疰百毒惡氣多用之

又曰今福州人三月采瑞田草根葉焙乾搗末蜜丸服治風疾

附方

子死腹中胞破不生此方累效救人歲萬數也鬼臼不拘多少黃色者去毛為細末不用篩羅只撚之如粉為度每服一錢無灰酒一盞同煎八分通口服立生如神名一字神散

射工中人寒熱發瘡鬼白葉一把苦酒漬搗取汁服一升日二次

黑黃急病黑黃面黑黃身如土色不妨食脈沈若青脈入口者死宜烙口中黑脉耳會玉泉章門心俞用

生鬼曰搗汁一小盞服乾者爲末水服三十六方

鬼臼部藝文一

羞寒花贊

宋宋祁

蜀地處處有之不爲人所愛根莖綴花蔽葉自隱俗曰羞天花予易爲羞寒花按本草名曰鬼臼冒寒而茂莖修葉廣附莖作花葉蔽其上以其自蔽若有羞狀

鬼臼部藝文二

瓊芝軒

宋黃庭堅

卓仙在時養瓊芝深根固蒂活人命憧憧來問此何草但告渠是唐婆鏡

鬼臼部雜錄

山谷詩注子瞻詩所記胡道士玉芝一名瑞田草者俗號其葉爲唐婆鏡葉底開花故號羞天花以予考之其實本草之鬼臼也歲生一日如黃精而堅瘦滿十二歲可爲藥就土中生根取一日勿令大本知也糞麪如餛飩皮裹一白吞之數日不饑啗三日可辟穀也黃龍山老僧多採而斷食令人體羸而神王今方家所用鬼臼乃鬼燈藥也如蜀人用鬼箭但用一草根不知何物也鎮陽趙州開道傍叢生三羽者真鬼箭俗醫用藥如此而責古方不治病可勝歎哉因論玉芝故并記之

鬼針部彙考

釋名

鬼針草

拾遺

鬼釵

南方名

圖缺

本草綱目

鬼針草集解

陳藏器曰生池畔方莖葉有極子作釵腳著人衣如針北人謂之鬼針南人謂之鬼釵

氣味

苦平無毒

主治

陳藏器曰蜘蛛蛇咬并汁服并傳李時珍曰塗蠟舊傷

附方

割甲傷肉不愈鬼針草苗鼠粘子根搗汁和臘猪脂塗之千金方

王孫部彙考

釋名

牡蒙

陶弘景

黃昏

別錄

長孫

齊名

白功草

吳名

王孫

蔓延

吳名

黃孫

別錄

早藕

唐書

海孫

齊名

王孫圖



本草綱目

王孫釋名

吳普曰楚名王孫齊名長孫又名海孫吳名白功草又名蔓延

李時珍曰紫參一名牡蒙木部合歡一名黃昏皆與此名同物異

集解

別錄曰王孫生海西川谷及汝南城郭垣下

吳普曰蔓延赤文整延相當

陶弘景曰今方家皆呼為黃昏云牡蒙市人少識者蘇恭曰按陳延之小品方述本草牡蒙一名王孫徐之才藥對有牡蒙無王孫此則一物明矣牡蒙葉似及己而大根長尺餘皮肉皆紫色

陳藏器曰早藕生太行山中狀如藕

李時珍曰王孫葉生顛頂似紫河車葉按神農吳普本草紫參一名牡蒙陶弘景亦曰今方家呼紫參為牡蒙其王孫並無牡蒙之名而陶氏於王孫下乃云又名牡蒙且無形狀唐蘇恭始以紫參牡蒙為二物謂紫參葉似羊蹄王孫葉似及己但古方所用牡蒙皆為紫參後人所用牡蒙乃王孫非紫參也不可辨唐元宗時隱民姜撫上言終南山有早藕餌之延年狀類葛粉帝取作湯餅賜大臣右驍衛將軍甘守誠曰早藕者牡蒙也方家久不用撫易名以神之爾據此牡蒙乃王孫也蓋紫參止治血證積聚瘰癧而王孫主五臟邪氣癰癤百病之文自可推也蘇恭引小品方牡蒙所主之證乃紫參非王孫故今移附紫參之下

根氣味

苦平無毒

吳普曰神農雷公苦無毒黃帝甘

陳藏器曰早藕甘平無毒

主治

本經曰五臟邪氣寒濕痺四肢疼酸膝冷痛

別錄曰療百病益氣

陳藏器曰早藕主長生不饑黑毛髮

王孫部紀事

唐書姜撫傳撫宋州人自言通仙人不死術隱居不出開元末太常卿韋縉祭名山因訪隱民還白撫已數百歲召至東都舍集賢院因言服常春藤使白髮還鬢則長生可致藤生太湖最良終南往往有之不及也帝遣使者至太湖多取以賜中朝老臣因詔天下使自求之宰相裴耀卿奉觴上千萬歲壽帝悅御花萼樓宴羣臣出藤百餘條賜之擢撫銀青光祿大夫號冲和先生撫又言終南山有早藕餌之延年狀類葛粉帝作湯餅賜大臣右驍衛將軍甘守誠能銘藥石曰常春者千歲藟也早藕牡蒙也方家久不用撫易名以神之民間以酒漬藤飲者多暴死乃止撫內慚悻請求藥牟山遂逃去

那娘記孫真人有黃昏散夫妻反目服之必和又名合歡叔良製以為丸贈窈窕窈窕不服佩之裙裾香氣異常

王孫部雜錄

續博物志王孫一名黃孫一名黃昏孫思邈有黃昏散注云黃昏木或曰合歡合昏夜合花陳無已云探囊一試黃昏湯草部木部黃昏為二物郭璞曰守宮槐晝日晝合而夜舒布也江東有木與此相反俗因名合昏古今注云合歡似梧桐枝葉互相結風來解使人不忘嵇康種之於舍前

游宦紀聞後山贈一蘇公詩末云如大醫王治膏肓外證已解中尚彊探囊一試黃昏湯一洗十年新學賜任子淵注云按圖經本草曰合歡夜合也一名合昏草宙獨行方胃中甲錯是為肺癰黃昏湯治之取夜合皮掌大一枚水煮服之其說最為牽合無義沙隨先生云晚年因閱本草王孫味苦平無毒主五臟邪氣吳名白功草楚名王孫齊名長孫一名黃孫一名黃昏生海西川谷蓋指當時癰學為五臟邪氣耳取義精深如此

郎罷部彙考

釋名

櫻 爾雅 烏階 爾雅
烏杞 爾雅注 狼杞 爾雅疏
郎耶草 陳藏器

郎罷圖



爾雅

釋草

櫻音鳥階

注 郎鳥杷也子連相著狀如杷齒可以染早蘇櫻

一名鳥階郭云郎鳥杷也子連相著狀如杷齒可以染早今俗謂之狼杷是也

本草綱目

狼杷釋名

李時珍曰此郎陳藏器本草郎耶草也閩人呼翁為郎罷則狼杷當作郎罷乃通又方士言此草即鼠尾草功用亦近之但無的據耳

集解

陳藏器曰狼杷草生山道旁與秋穗子並可染早

又曰郎耶草生山澤間高三四尺葉作鴈齒如鬼針苗鬼針即鬼釵也其葉有桎如釵腳狀

掌禹錫曰狼杷草出近道古方未見用者惟陳藏器言之而不詳文宗皇帝御書記其主療血痢甚為精至謹用書於本草圖經外類篇首

氣味

苦平無毒

主治

陳藏器曰黑人髮令人不老

又曰郎耶草主赤白久痢小兒大腹痞滿丹毒寒熱

取根莖煮汁服

圖經曰狼杷草主丈夫血痢不療婦人根治積年疳

痢取草二觔搗絞取汁一小升納白麴半雞子許和

勻空腹頓服極重者不過三服或收苗陰乾搗末蜜

水半盞服一方寸匕

李時珍曰可染鬚髮治積年癰天陰即痒搔出黃水

者搗末摻之


佛甲部彙考

釋名

佛甲草 朱開經

佛指甲 李時珍

佛甲圖



本草綱目

佛甲草集解

蘇頌曰佛甲草生筠州多附石向陽而生似馬齒莧而細小且長有花黃色不結實四季皆有

李時珍曰二月生苗成叢高四五寸莖葉細柔澤

如馬齒莧尖長而小夏開黃花經霜則枯人多栽於

石山瓦牆上呼為佛指甲救荒本草言高一二尺葉

甚大者乃景天非此也

氣味

甘寒微毒

主治

蘇頌曰湯火灼瘡研貼之

仙人部彙考

釋名

仙人草 拾遺

仙人草圖



本草綱目

仙人草集解

陳藏器曰生階庭間高三三寸葉細有鴈齒似離隔草北地不生

主治

陳藏器曰小兒酢瘡頭小而硬者煮湯浴并搗傅丹毒入腹者必危可飲冷藥及用此洗之又按汁滴目明目去翳

仙人部藝文

仙人草贊

宋謝惠連


余之中園有仙人草焉春頴其苗夏秀其英秋有眞實冬無彫色可謂貫四時而不改者既嘉其名而美其質染筆作詠庶以據述云
園有嘉草名曰仙人煜煜燁燁莫莫臻臻頴發炎暑苗秀和春奇爾靈質乃植中林

鎖陽部彙考

釋名

鎖陽 補遺

鎖陽圖



本草綱目

鎖陽集解

李時珍曰鎖陽出肅州按陶九成輟耕錄云鎖陽生韃靼田地野馬或與蛟龍交遺精入地久之發起如笋上豐下儉鱗甲櫛比筋脈連絡絕類男陽即肉菟蓉之類或謂里之淫婦就而合之一得陰氣勃然怒長土人掘取洗滌去皮薄切曬乾以充藥貨功力百倍於菟蓉也時珍疑此自有種類如肉菟蓉列當亦未必盡是遺精所生也

氣味

甘溫無毒

主治

朱震亨曰大補陰氣益精血利大便虛人大便燥結者啖之可代菟蓉羹粥彌佳不燥結者勿用
李時珍曰潤燥養筋治痿弱

鎖陽部雜錄

癸辛雜識韃靼野地有野馬與蛟龍合所遺精於地遇春時則勃然如笋出地中大者如貓兒頭笋上豐下儉其形不與亦有鱗甲筋脈其名曰鎖陽即所謂肉菟蓉之類也或謂韃靼婦人之淫者亦從而好合之其物得陰氣則怒而長土人收之以薄刀去皮毛洗滌令淨日乾之爲藥其力百倍於肉菟蓉其價亦百倍於常品也五峰云亦嘗得其少許
二酉委譚甘州多瑣陽肉菟蓉瑣陽形甚不雅莖上

生

拳參部彙考

釋名

拳參
宋圖經

拳參圖



本草綱目

拳參集解

蘇頌曰生淄州田野葉如羊蹄根似海蝦黑色土人五月采之

主治

蘇頌曰爲末淋瀝腫氣

欽定古今圖書集成博物彙編草木典

第一百二十七卷目錄

附子部彙考

附子圖

張揖博雅

本草綱目

附子部藝文一

附子贊

彰明附子記

附子部藝文二

越州陶山附子岡

附子部紀事

附子部雜錄

側子部彙考

本草綱目

草木典第一百二十七卷

附子部彙考

釋名

夔博雅

附子

漏藍子

木鼈子


奚毒

白附子

天雄

虎掌

附子圖



張揖博雅

釋草

夔音奚毒附子也一歲為前子二歲為烏喙三歲為

附子四歲為烏頭五歲為天雄

本草綱目

附子釋名

李時珍曰初種為烏頭象鳥之頭也附烏頭而生者為附子如子附母也烏頭如芋魁附子如芋子蓋一物也別有草烏頭白附子故俗呼此為黑附子川烏頭以別之諸家不分烏頭有川草兩種皆混雜註解今悉正之

集解

別錄曰附子生犍為山谷及廣漢冬月采為附子春月采為烏頭

陶弘景曰烏頭與附子同根附子八月采八角者良

烏頭四月采春時莖初生有腦頭如烏鳥之頭故謂之烏頭有兩岐其蒂狀如牛角者名烏喙取汁煎為射莖天雄似附子細而長乃至三四寸側子即附子

邊角之大者並是同根而本經附子出犍為天雄出少室烏頭出朗陵分生三處當各有所宜也今則無別矣

蘇恭曰天雄附子烏頭並以蜀道綿州龍州者佳俱以八月采造餘處雖有造得者力弱都不相似江南來者全不堪用

大明曰天雄大而長少角刺而實附子大而短有角平穩而實烏喙似天雄烏頭次於附子側子小於烏頭連聚生者名為虎掌並是天雄一裔子母之類氣力乃有殊等即宿根與嫩者爾

雷斅曰烏頭少有莖苗身長而烏黑少有旁尖烏喙皮上蒼色有尖頭大者孕八九個周圍底陷黑如烏鐵天雄身全矮無尖周圍四面有附子孕十一個皮蒼色側子只是附子旁有小顆如棗核者木鼈子是喙附烏雄側中毗患者不入藥用

韓保昇曰正者為烏頭兩岐者為烏喙細長三四寸者為天雄根旁如芋散生者為附子旁連生者為側子五物同出而異名苗高二尺許葉似石龍芮及艾寇宗爽曰五者皆一物但依大小長短以象而名之耳

蘇頌曰五者今並出蜀土都是一種所產其種出於龍州冬至前將陸田耕五七遍以豬糞糞之然後布種逐月耘耔至次年八月後方成其苗高三四尺莖作四稜葉如艾其花紫碧色作穗其實細小如桑葚狀黑色本只種附子一物至成熟後乃有四物以長二三寸者為天雄割削附子旁尖角為側子附子之絕小者亦名側子元種者為烏頭其餘大小者皆

爲附子以八角者爲上綿州彰明縣多種之惟赤水一鄉者最佳然收采時月與本草不同謹按本草冬采爲附子春采爲烏頭博物志言附子烏頭天雄一物也春夏秋冬采之各異而廣志云吳毒附子也一年爲側子二年爲烏喙三年爲附子四年爲烏頭五年爲天雄今一年種之便有此五物豈今人種時之法用力倍至故爾繁盛乎

李時珍曰烏頭有兩種出彰明者即附子之母今人謂之川烏頭是也春末生子故曰春采爲烏頭冬則生子已成故曰冬采爲附子其天雄烏喙側子皆是生子多者因象命名若生子少及獨頭者即無此數物也其產江左山南等處者乃本經所列烏頭今人謂之草烏頭者是也故曰其汁煎爲射陶弘景不知烏頭有二以附子之烏頭註射陶之烏頭遂致諸家疑貳而雷斅之說尤不近理宋人楊天惠著附子記甚悉今撮其要讀之可不辨而明矣其說云綿州乃故廣漢地領縣八惟彰明出附子彰明領鄉二十惟赤水麻水昌明會昌四鄉產附子而赤水爲多每歲以上田熟耕作壘取種於龍安龍州齊歸木門青堽小坪諸處十一月播種春月生苗其莖類野艾而澤其葉類地麻而厚其花紫瓣黃莢長苞而圓七月采者謂之早水拳縮而小蓋未長成也九月采者乃佳其品凡七本同而末異其初種之小者爲烏頭附烏頭而旁生者爲附子又左右附而偶生者爲鬲子附而長者爲天雄附而尖者爲天錐附而上出者爲側子附而散生者爲漏藍子皆脈絡連貫如子附母而附子以貴故專附名也凡種一而子六七以上則

皆小種一而子二三則稍大種一而子特生則特大附子之形以蹲坐正節角少者爲上有節多鼠乳者大之形不正而傷缺風皺者爲下本草言附子八角者爲良其角爲側子之說甚謬矣附子之色以花白者爲上鐵色者次之青綠者爲下天雄烏頭天錐皆以豐實盈握者爲勝漏藍側子則園人以乞役夫不足數也謹按此記所載漏藍即雷斅所謂木鼈子大明所謂虎掌者也其鬲子即烏喙也天錐即天雄之類醫方亦無此名功用當相同爾

修治

韓保昇曰附子烏頭天雄側子烏喙采得以生熟湯浸半日勿令鹹氣出以白灰裹之數易使乾又法以米粥及糟麴等淹之並不及前法

蘇頌曰五物收時一處造釀其法先於六月內造大小麴糲未采前半月用大麥養成粥以麴造醋候熟去糟其醋不用太酸酸則以水解之將附子去根鬚於新甕內淹七日日攪一遍撈出以疎篩攤之令生白衣乃向慢風日中曬之百十日以透乾爲度若猛日則皺而皮不附肉

李時珍曰按附子記云此物最多不能常熟或種美而苗不茂或苗秀而根不充或已釀而腐或已曝而擊若有神物陰爲之者故園人常禱於神目爲藥妖其釀法用醋醃安密室中淹覆彌月乃發出曬乾方出曬時其大有如拳者已定輒不盈握故及一兩者極難得土人云但得半兩以上者皆良蜀人餌者少惟秦陝閩浙人宜之然秦人纔市其下者閩浙纔得其中者其上品則皆貴人得之矣

陶弘景曰凡用附子烏頭天雄皆熱灰微炮令拆勿過焦惟薑附湯生用之俗方每用附子須甘草人參生薑相配者正制其毒故也

雷斅曰凡使烏頭宜文武火中炮令皺拆壁破用若用附子須底平有九角如鐵色一箇重一兩者即是氣全勿用雜木火只以柳木炭火中炮令皺拆以刀刮去上孕子并去底火壁破於屋下午地上掘一土坑安之一宿取出焙乾用若陰制者生去皮尖底薄切以東流水并黑豆浸五日夜漚出日中曬用

朱震亨曰凡烏附天雄須用童子小便浸透煮過以殺其毒并助下行之力入鹽少許尤好或以小便浸二七日揀去壞者以竹刀每個切作四片并水淘淨逐日換水再浸七日曬乾用

李時珍曰附子生用則發散熟用則峻補生用者須如陰制之法去皮臍入藥熟用者以水浸過炮令發拆去皮臍乘熱切片再炒令內外俱黃去火毒入藥又法每一箇用甘草二錢鹽水薑汁童便各半盞同煮熟出火毒一夜用之則毒去也

氣味

辛溫有大毒

別錄曰甘大熱

吳普曰神農辛岐伯雷公甘有毒李當之苦大溫有大毒

張元素曰大辛大熱氣厚味薄可升可降陽中之陰浮中沉無所不至爲諸經引用之藥

王好古曰入手少陰三焦命門之劑其性走而不守非若乾薑止而不行

趙嗣真曰熟附配麻黃發中有補仲景麻黃附子細辛湯麻黃附子甘草湯是也生附配乾薑補中有發仲景乾薑附子湯通脈四逆湯是也

戴元禮曰附子無乾薑不熱得甘草則性緩得桂則補命門

李燾曰附子得生薑則能發散以熱攻熱又導虛熱下行以除冷病

徐之才曰地膽爲之使惡蜈蚣畏防風黑豆甘草人參黃耆

李時珍曰畏菴豆烏非童漫犀角忌豉汁得蜀椒食鹽下達命門

主治

本經曰風寒欬逆邪氣寒濕蹇躄拘攣膝痛不能行步破癥瘕積聚血痕金瘡

別錄曰腰脊風寒脚氣冷弱心腹冷痛霍亂轉筋下痢赤白溫中強陰堅肌骨又墮胎爲百藥長

張元素曰溫脾胃除脾濕腎寒補下焦之陽虛李杲曰除臟腑沉寒三陽厥逆濕淫腹痛胃寒蛇動

治經閉補虛散寒

王好古曰督脈爲病脊強而厥

李時珍曰治三陰傷寒陰毒寒疝中寒中風痰厥氣厥柔痙癰癩小兒慢驚風濕麻痺腫滿脚氣頭風腎厥頭痛暴瀉脫陽久痢脾泄寒瘧瘴氣久病嘔噦反胃噎膈癰疽不斂久漏冷瘡合慈涕塞耳治聾

烏頭_{子母}附子_母主治

張元素曰諸風風痹血痺半身不遂除寒冷濕養臟腑去心下堅痞感寒腹痛

李杲曰除寒濕行經散風邪破諸積冷毒王好古曰補命門不足肝風虛李時珍曰助陽退陰功同附子而稍緩

發明

寇宗奭曰補虛寒須用附子風家即多用天雄大略如此其烏頭烏喙附子則量其材而用之

李時珍曰按王氏究原方云附子性重溫脾逐寒川烏頭性輕疎溫脾去風若是寒疾即用附子風疾即用川烏頭一云凡人中風不可先用烏附藥及烏附

若先用氣藥後用烏附乃宜也又凡用烏附藥並宜冷服者熱因寒用也蓋陰寒在下虛陽上浮治之以寒則陰氣益甚而病增治之以熱則拒格而不納熱藥冷飲下啞之後冷體既消熱性便發而病氣隨愈

不違其性而致大益此反治之妙也昔張仲景治寒疝內結用蜜煎烏頭近效方治喉痹用蜜炙附子含之嚥汁朱丹溪治疝氣用烏頭卮子並熱因寒用也

李東垣治馮翰林姪陰盛格陽傷寒面赤目赤煩渴引飲脈來七八至但按之則散用薑附湯加人參投半斤服之得汗而愈此則神聖之妙也

吳綬曰附子乃陰證要藥凡傷寒傳變三陰及中寒夾陰雖身大熱而脈沈者必用之或厥冷腹痛脈沈細甚則腎青囊縮者急須用之有退陰回陽之力起死回生之功近世陰證傷寒往往疑似不敢用附子直待陰極陽竭而用之已遲矣且夾陰傷寒內外皆陰陽氣頓衰必須急用人參健脈以益其原佐以附

子溫經散寒捨此不用將何以救之劉完素曰俗方治麻痺多用烏附其氣暴能衝開道

路故氣愈麻及藥氣盡而正氣行則麻病愈矣張元素曰附子以白朮爲佐乃除寒濕之聖藥濕藥宜少加之引經又益火之原以消陰翳則便溺有節烏附是也

虞搏曰附子稟雄壯之質有斬關奪將之氣能引補氣藥行十二經以追復散失之元陽引補血藥入血分以滋養不足之真陰引發散藥開腠理以驅逐在表之風寒引溫煖藥達下焦以祛除在裏之冷濕

朱震亨曰氣虛熱甚者宜少用附子以行參耆肥人多濕亦宜少加烏附行經仲景八味丸用爲少陰嚮導後世因以附子爲補藥誤矣附子走而不守取其健悍走下之性以行地黃之滯可致遠爾烏頭天雄

皆氣壯形偉可爲下部藥之佐無人表其害人之禍相習用爲治風之藥及補藥殺人多矣

王履曰仲景八味丸爲陰火不足者設錢仲陽六味地黃丸爲陰虛者設附子乃補陽之藥非爲行滯也王好古曰烏附非身涼而四肢厥者不可僭用服附子以補火必妨涸水

李時珍曰烏附毒藥非危病不用而補藥中少加引導其功甚捷有人纔服錢匕即發燥不堪而昔人補劑用爲常藥豈古今運氣不同耶荆府都昌王體瘦而冷無他病日以附子煎湯飲兼嚼硫黃如此數歲

斯州衛張百戶平生服鹿茸附子藥至八十餘康健倍常宋張果醫說載趙知府耽酒色每日煎乾薑熟附湯吞硫黃金液丹百粒乃能健啖否則倦弱不能

支壽至九十他人服一粒卽爲害若此數人皆其臟腑稟賦之偏服之有益無害不可以常理概論也又

瑣碎錄言滑臺風土極寒民啖附子如啖芋栗此則地氣使然爾

烏頭附子尖主治

李時珍曰為末茶服五分吐風痰癰癩

發明

李時珍曰烏附用尖亦取其銳氣直達病所爾無他義也保幼大全云小兒慢脾驚風四肢厥逆用附子尖一箇硫黃棗大一箇蠟稍七箇為末薑汁麝香丸黃米大每服十九米飲下亦治久瀉疳疔凡用烏附不可執為性熱審其手足冷者輕則用湯甚則用丸重者用膏候手足暖陽氣回即為佳也按此方乃和劑局方碧霞丹變法也非真慢脾風不可輒用故初虞世有金虎碧霞之戒

附方

少陰傷寒初得二三日脉微細但欲寐小便色白者麻黃附子甘草湯微發其汗麻黃去節二兩甘草炙二兩附子炮去皮一枚水七升先煮麻黃去沫納二味煮取三升分作二服取微汗傷寒論
少陰發熱少陰病始得反發熱脉沈者麻黃附子細辛湯發其汗麻黃去節二兩附子炮去皮一枚細辛三兩水一斗先煮麻黃去沫乃納二味同煮三升分二服上同
少陰下利少陰病下利清穀裏寒外熱手足厥逆脉微欲絕身反不惡寒其人面赤色或腹痛或乾嘔或咽痛或利止脉不出者通脉四逆湯用大附子一箇去皮生破八片甘草炙二兩乾薑三兩水三升煮一升分溫再服其脉即出者愈面赤加葱九莖腹痛加

芍藥二兩嘔加生薑二兩咽痛加桔梗一兩利止脉不出加人參二兩上同

陰病惡寒傷寒已發汗不解反惡寒者虛也芍藥甘草附子湯補之芍藥三兩甘草炙三兩附子炮去皮一枚水五升煮取一升五合分服上同

傷寒發躁傷寒下後又發其汗晝日煩躁不得眠夜而安靜不嘔不渴無表証脉沈微身無大熱者乾薑附子湯溫之乾薑一兩生附子一枚去皮破作八片水三升煮取一升頓服傷寒論

陰盛格陽傷寒陰盛格陽其人必躁熱而不飲水脉沈手足厥逆者是此証也露蠶散用大附子一枚燒存性為末蜜水調服逼散寒氣然後熱氣上行而汗出乃愈孫兆

熱病吐下及下利身冷脉微發躁不止者附子炮一枚去皮臍分作八片入鹽一錢水一升煎半升溫服立效經方

陰毒傷寒孫兆口訣云房後受寒少腹疼痛頭疼腰重手足厥逆脉息沈細或作呃逆並宜退陰散用川烏頭乾薑等分切炒放冷為散每服一錢水一盞鹽一撮煎取半盞溫服得汗解 本事方玉女散治陰毒心腹痛厥逆惡候川烏頭去皮臍冷水浸七日切曬紙裹收之遇有患者取為末一錢入鹽八分水一盞煎八分服壓下陰毒如猪血相似再進一服 濟生回陽散治陰毒傷寒面青四肢厥逆腹痛身冷一切冷氣大附子二枚炮裂去皮臍為末每服三錢薑汁半盞冷酒半盞調服良久臍下如火暖為度 續傳信方治陰毒傷寒煩躁迷悶急者用半兩重附子

一箇生破作四片生薑一大塊作三片糯米一撮以水一升煎六合溫服暖臥或汗出或不出候心定則以水解散之類解之不得真冷水如渴更煎洋服屢用多效

中風痰厥昏不知人口眼喎斜并體虛之人患瘧疾寒多者二生飲用生川烏頭生附子並去皮臍各半兩生南星一兩生木香二錢五分每服五錢生薑十片水二盞煎一盞溫服局方

中風氣厥痰壅昏不知人六脉沈伏生附子去皮生南星去皮生木香半兩每服四錢薑九片水二盞煎七分溫服之濟生方

中風偏廢羌活湯用生附子一箇去皮臍羌活烏藥各一兩每服四錢生薑三片水一盞煎七分服王氏醫方

半身不遂遂令瘳用附子一兩以無灰酒一升浸一七日隔日飲一合延年錄

風病癱緩手足痺曳口眼喎斜語言蹇澀步履不正宜神驗烏龍丹主之川烏頭去皮臍五靈脂各五兩為末入龍腦麝香五分清酒調服一日二服至五七九便覺手攣移得步十丸可以擡頭也梅師方

風寒濕痹麻木不仁或手足不遂生川烏頭末每以香白米煮粥一盃入末四錢慢熬得所下薑汁一匙蜜三大匙空腹服之或入薏苡末二錢左傳云風淫末病謂四末也脾主四肢風淫客肝則侵脾而四肢病也此湯極有力予每授人良驗許學士本事方

體虛有風外受寒濕身如在空中生附子生天南星

各二錢生薑十片水一盞半慢火煎服予曾病此醫傳張子發授此方二服愈方本

口眼喎斜生烏頭青礬各等分爲末每用一字噀入鼻內取涕吐涎立效無比各通關散方中祕

口卒噤瘖卒忤停尸並用附子末吹入喉中瘖瘖千金產後中風身如角弓反張口噤不語川烏頭五兩剉塊黑大豆半升同炒半黑以酒三升傾鍋內急攪以絹濾取酒微溫服一小盞取汗若口不開拗開灌之未效加烏雞養一合炒納酒中服以瘥爲度方小

諸風血風烏丸治諸風縱緩言語蹇澀通身麻痛皮膚瘙癢及婦人血風頭痛目眩腸風臟毒下血不止者服之尤效有痛風擊搗頤領不收者服六七服即瘥也川烏頭炮去皮臍一兩荆芥穗二兩爲末醋糊丸梧子大溫酒或熟水每服二十九方和劑

婦人血風虛冷月候不勻或手脚心煩熱或頭面浮腫頑麻用川烏頭一斤清油四兩鹽四兩鑊內同熬令裂如桑甚色爲度去皮臍五靈脂四兩爲末搗勻蒸餅丸如梧子大空心溫酒鹽湯下二十九亦治丈夫風疾方梅師

諸風癰疾生川烏頭去皮二錢五分五靈脂半兩爲末猪心血丸梧子大每薑湯化服一丸

小兒慢驚搐搦涎壅厥逆川烏頭生去皮臍一兩全蠍十箇去尾分作三服水一盞薑七片煎服湯氏鑑

小兒項癭乃肝腎虛風邪襲入用附子去皮臍天南星各二錢爲末薑汁調攤貼天柱骨內服瀉青丸幼全

小兒顛陷綿烏頭附子並生去皮臍二錢雄黃八分

爲末葱根搗和作餅貼陷處全幼
麻痺疼痛仙桃丸治手足麻痺或癱瘓疼痛腰膝痠痛或打撲傷損悶膈痛不可忍生川烏不去皮五靈脂各四兩威靈仙五兩洗焙爲末酒糊丸梧子大每服七丸至十九鹽湯下忌茶此藥常服其效如神方普濟

風痺肢痛營衛不行川烏頭炮去皮以大豆同炒至汗出爲度去豆焙乾全蠍五分焙爲末醋熬稠丸綠豆大每溫酒下七九日一服方聖惠

腰脚冷痺疼痛有風川烏頭三箇生去皮臍爲散醋調塗帛上貼之須臾痛止方聖惠

大風諸痹痰涎潴滯大附子半兩者一枚炮拆酒漬之春冬五日夏秋三日每服一合以瘥爲度方聖惠

脚氣腫久不瘥者黑附子一箇生去皮臍爲散生薑汁調如膏塗之藥乾再塗腫消爲度方聖惠

十指疼痛麻木不仁生附子去皮臍木香各等分生薑五片水煎溫服方王氏

搜風順氣烏附丸用川烏頭二十箇香附子半斤薑汁淹一宿炒焙爲末酒糊丸梧子大每溫酒下十九肌體肥壯有風疾者宜常服之方蘇象

頭風頭痛外臺祕要用臘月烏頭一升炒令黃末之以絹袋盛浸三斗酒中逐日溫服 孫兆口訣用附子炮石膏煨等分爲末入腦麝少許每服五分茶酒任下 修真祕要用附子一枚生去皮臍綠豆一合同入銚子內煮豆熟爲度去附子食綠豆立瘥每箇可煮五次後爲未服之

風毒頭痛聖惠方治風毒攻注頭目痛不可忍大附

子一枚炮去皮爲末以生薑一兩黑豆一合炒熟同酒一盞煎七分調附末一錢溫服 又方治三

十年頭風不愈者用大川烏頭生去皮四兩天南星炮一兩爲末每服二錢細茶三錢薄荷七葉鹽梅一個水一盞煎七分臨臥溫服 朱氏集驗方治頭痛連睛者生烏頭一錢白芷四錢爲末茶服一字仍以未噤鼻有人用之得效

風寒頭痛十便良方治風寒客于頭中清涕項筋急硬胃中寒痰嘔吐清水用大附子或大川烏頭二枚去皮蒸過川芎莖生薑各一兩焙研以茶湯調服一錢或剉片每用五錢水煎服隔三四日一服或加防風一兩 三因方必效散治風寒流注偏正頭痛年久不愈最有神效用大附子一箇生切四片以生薑汁一盞浸炙再浸再炙汁盡乃止高良薑等分爲末每服一錢蠟茶清調下忌熱物少時

頭風摩散沐頭中風多汗惡風當先風一日則痛甚用大附子一箇炮食鹽等分爲末以方寸七摩額上令藥力行或以油調稀亦可一日三上張仲景方

年久頭痛川烏頭天南星等分爲末葱汁調塗太陽穴方經驗

頭風斧劈難忍川烏頭末燒烟熏盤內溫茶泡服之方集簡

痰厥頭痛如破厥氣上衝痰塞胃膈炮附子三分釜墨四錢冷水調服方寸匕當吐即愈忌猪肉冷水

腎厥頭痛指南方用大附子一箇炮熟去皮生薑半兩水一升半煎分三服 經驗良方韭根丸治元陽

虛頭痛如破眼睛如錐刺大川烏頭去皮微炮全蠍

以糯米炒過去米等分爲末韭根汁丸綠豆大每薄荷茶下十五丸一日一服

氣虛頭痛氣虛上壅偏正頭痛不可忍者大附子一枚去皮臍研末葱汁麪糊丸綠豆大每服十九茶清下

僧繼洪濟療方蠟附丸云氣虛頭痛惟此方最合造化之妙附子助陽扶虛鍾乳補陽鎮墜全蠟取其鑽透葱涎取其通氣湯使用椒以達下鹽以引用使虛氣下歸對證用之無不立效大附子一枚剉心入全蠟去毒五枚在內以餘附末同鍾乳粉二錢半白麪少許水和作劑包附煨熟去皮研末葱涎和丸

梧子大每椒鹽湯下五十九丸

腎氣上攻頭項不能轉移椒附丸用大熟附子一枚爲末每用二錢以椒二十粒用白麪填滿椒口水一盞半薑七片煎七分去椒入鹽空心點服椒氣下達以引逆氣歸經也

鼻淵腦泄生附子末葱涎和如泥塗涌泉穴

耳鳴不止無晝夜者烏頭燒作灰菖蒲等分爲末綿裹塞之日再用取效

耳卒聾閉附子醋浸削尖插之或更於上灸二七壯

本耳聾

聘耳膿血生附子爲末葱涕和灌耳中

喉痹腫塞附子去皮炮令折以蜜塗上灸之令蜜入含之勿嚥汁已成者即膿出未成者即消散

久患口瘡生附子爲末醋麪調貼足心男左女右日再換之

風蟲牙痛普濟方用附子一兩燒灰枯礬一分爲末措之又方川烏頭川附子生研麪糊丸小豆大每

綿包一丸咬之刪繁方用炮附子末納孔中乃止眼暴赤腫疼痛不得開淚出不止制附子赤皮末如蠶沙大著皆中以定爲度

一切冷氣去風痰定遍身疼痛益元氣強力固精益髓令人少病川烏頭一斤用五升大甕鉢子盛以童子小便浸七日逐日添令溢出揀去壞者不用餘以竹刀切作四片新汲水淘七次乃浸之日日換水日足取焙爲末酒煮麪糊丸綠豆大每服十九空心鹽湯下少粥飯壓之

升降諸氣暖則宜流熟附子一大箇分作二服水二盞煎一盞入沈香汁溫服

中寒昏困薑附湯治體虛中寒昏不知人及臍腹冷痛霍亂轉筋一切虛寒之病生附子一兩去皮臍乾薑炮一兩每服三錢水二鍾煎一鍾溫服

心腹冷痛冷熱氣不和山厄子川烏頭等分生研爲末酒糊丸梧子大每服十五丸生薑湯下小腸氣痛加炒茴香葱酒下二十九

心痛疝氣濕熱因寒鬱而發用厄子降濕熱烏頭破寒鬱烏頭爲厄子所引其性急速不留胃中也川烏頭山厄子各一錢爲末順流水入薑汁一匙調下

寒厥心痛及小腸膀胱痛不可止者神砂一粒丹用熟附子去皮鬱金橘紅各一兩爲末醋麪糊丸如酸棗大朱砂爲衣每服一丸男子酒下女人醋湯下

寒疝腹痛遶臍手足厥冷自汗出脈弦而緊用大烏頭煎主之大烏頭五枚去臍水三升煮取一升去滓

納蜜二升煎令水氣盡強人服七合弱人服五合不瘥明日更服

寒疝身痛腹痛手足逆冷不仁或身痛不能服用烏頭桂枝湯主之烏頭一味以蜜二斤煎減半入桂枝湯五合解之得一分初服二合不知再服又不知加至五合其知者如醉狀得吐爲中病也

寒疝引脇肋心腹皆痛諸藥不效者大烏頭五枚去角四破以白蜜一斤煎令透取焙爲末別以熟蜜和丸梧子大每服二十九冷鹽湯下永除

寒疝滑瀉腹痛腸鳴自汗厥逆熟附子去皮臍延胡索炒各一兩生木香半兩每服四錢水二盞薑七片煎七分溫服

小腸諸疝倉卒散治寒疝腹痛小腸氣膀胱氣脾腎諸痛攀急難忍汗出厥逆大附子炒去皮臍一枚山厄子炒焦四兩每用三錢水一盞酒半盞煎七分入鹽一捻溫服

宣明方治陰疝小腹腫痛加蒺藜子等分虛者加桂枝等分薑糊爲丸酒服五十九

虛寒腰痛鹿茸去毛酥炙微黃附子炮去皮臍各二兩鹽花三分爲末棗肉和丸梧子大每服三十九空心溫酒下

夷堅志云時康祖大夫病心胃一漏數竅流汁已二十年又苦腰痛行則僂偻形神憔悴醫不能治通判韓子溫爲檢聖惠方得此方令服旬餘腰痛減久服遂瘥心漏亦瘥精力倍常步履輕捷此方本治腰而效乃如此

元臟傷冷經驗方用附子炮去皮臍爲末以水二盞入藥二錢鹽蔥薑棗同煎取一盞空心服去積冷暖下元肥腸益氣酒食無碍

梅師方二虎丸補元臟

第五四二冊 之〇七葉

博物彙編草木典第一百二十七卷附子部

五八圖書集成

進飲食壯筋骨用烏頭附子合四兩醋浸三宿切作片子掘一小坑炭火燒赤以醋三升同藥傾入坑內用盆合之一宿取出去砂土入青鹽四兩同炒赤黃色爲末醋打麪糊丸如梧子大空心冷酒下十五丸婦人亦宜

胃冷有痰脾弱嘔吐生附子半夏各二錢薑十片水二盞煎七分空心溫服一方並炮熱加木香五分

方良

久冷反胃經驗方用大附子一箇生薑一片剉細同煮研如麪糊每米飲化服一錢 衛生家寶方用薑汁打糊和附子末爲丸大黃爲衣每溫水服十丸

斗門方用長大附子一箇坐於磚上四面著火漸逼以生薑自然汁淬之依前再逼再淬約薑汁盡半盞乃止研末每服一錢粟米飲下不過三服瘥或以猪腰子切片炙熟蘸食 方便集用大附子一箇切下頭子剉一窠安丁香四十九箇在內仍合定線扎入砂鉢內以薑汁浸過文火熬乾爲末每挑少許置掌

心舐吃日十數次忌毒物生冷

脾寒瘧疾濟生方云五臟氣虛陰陽相勝發爲瘧瘧寒多熱少或但寒不熱宜七棗湯主之附子一枚炮七次鹽湯浸七次去皮臍分作二服水一盞生薑七片棗七枚煎七分露一宿發日空心溫服未久再進

一服王璆百一選方云寒痰宜附子風痰宜烏頭各用烏頭則寒多者火炮七次熱多者湯炮七次去皮焙乾如上法用烏頭性熱炮多則熱散也 又果附湯用熟附子去皮草蓂仁各二錢半水一盞薑七片棗一枚煎七分發日早溫服 肘後方臨發時以醋

和附子塗於背上

寒熱瘧疾附子一枚重五錢者麪煨人參丹砂各一錢爲末煉蜜丸梧子大每服二十九丸未發前連進三服中病則吐或身體麻木未中病來日再服 傷寒論瘧瘧寒熱冷瘧寒熱往來頭痛身疼嘔痰或汗多引飲或自利煩躁宜薑附湯主之附子一枚四破每以一片水一盞生薑十片煎七分溫服李待制云此方極妙章傑云嶺南以啞瘧爲危急不過一二日而死醫謂極熱感寒也用生附子一味治之多愈得非以熱攻熱而發散寒邪乎真起死回生之藥也 衛生方

小便虛閉兩尺脈沈微用利小水藥不效者乃虛寒也附子一箇炮去皮臍鹽水浸良久澤瀉一兩每服四錢水一盞半燈心七莖煎服即愈 普濟方

腫疾喘滿大人小兒男女腫因積得既取積而腫再作小便不利若再用利藥性寒而小便愈不通矣醫者到此多束手蓋中焦下焦氣不升降爲寒痞隔故水凝而不通惟服沈附湯則小便自通喘滿自愈用生附子一箇去皮臍切片生薑十片入沈香一錢磨水同煎食前冷飲附子雖三五十枚亦無害小兒每服三錢水煎服 朱氏集

脾虛濕腫大附子五枚去皮四破以赤小豆半升藏附子於中慢火煑熟去豆焙研末以薏苡仁粉打糊丸梧子大每服十九丸蘿蔔湯下 朱氏集

陰水腫滿烏頭一升桑白皮五升水五升煮一升去滓銅器盛之重湯煎至可丸九小豆大每服三五丸取小便利爲佳忌油膩麪食魚肉 又方大附子薑

便浸三日夜逐日換尿以布擦去皮搗如泥酒糊和丸小豆大每服三十九煎流氣飲送下 普濟方

大腸冷祕附子一枚炮去皮取中心如棗大爲末二錢蜜水空心服之 錢氏集

老人虛泄不禁熟附子一兩赤石脂一兩爲末醋糊丸梧子大米飲下五十九 楊氏家藏方

冷氣洞泄生川烏頭一箇木香半兩爲末醋糊丸梧子大每陳皮湯下二十九 本事方

臟寒脾泄及老人中氣不足久泄不止肉豆蔻二兩煨熟大附子去皮臍一兩五錢爲末粥九梧子大每服八十九蓮肉煎湯下 十便良方治脾胃虛冷大腸滑泄米穀不化之方用大附子十兩連皮同大棗二升於石器內以水煮一日常令水過兩指取出每箇切作三片再同煮半日削去皮切焙爲末別以棗肉和丸梧子大每空心米飲服三四十九

小兒吐泄注下小便少白龍丸用熟附子五錢白石脂煨龍骨煨各二錢半爲末醋麪糊丸黍米大每米飲量兒大小服 心鑑

霍亂吐泄不止附子重七錢者炮去皮臍爲末每服四錢水二盞鹽半錢煎一盞溫服立止 孫兆方

水泄久痢川烏頭二枚一生用一以黑豆半合同煮熟研丸綠豆大每服五丸黃連湯下 普濟方

久痢赤白獨聖丸用川烏頭一箇灰火燒烟盡取出地上蓋蓋良久研末酒化蠟丸如大麻子大每服三九赤痢黃連甘草黑豆煎湯放冷吞下白痢甘草黑豆煎湯冷吞如瀉及肚痛以水吞下並空心服之忌熱物 經驗方

熱物

良方

忌

忌

久痢休息熱附子半兩研末雞子白二枚搗和丸梧子大傾入沸湯煮數沸漉出作兩服米飲下聖濟總錄

下痢欬逆脈沈陰寒者退陰散主之陳自明云一人病此不止服此兩服而愈方見前陰毒傷寒下

下血虛寒日久腸冷者熱附子去皮枯白礬一兩爲末每服三錢米飲下 又方熱附子一枚去皮生薑

三錢五分水煎服或加黑豆一百粒並聖方陽虛吐血生地黃一斤搗汁入酒少許以熱附子一

兩半去皮臍切片入汁內石器煮成膏取附片焙乾入山藥三兩研末以膏和搗丸梧子大每空心米飲

下三十九粒昔葛察判妻苦此疾百藥皆試得此而愈屢發屢效余居士選奇方

漫數白濁熱附子爲末每服二錢薑三片水一盞煎六分溫服普濟方

虛火背熱虛火上行背內熱如火炙者附子末津調塗涌泉穴摘元方

經水不調血臍冷痛此方平易捷徑熱附子去皮當歸等分每服三錢水煎服普濟方

斷產下胎生附子爲末淳酒和塗右足心胎下去之小兒方

折腕損傷卓氏膏用大附子四枚生切以猪脂一斤三年苦醋同漬三宿取脂煎三上三下日摩傳之深方

癰疽腫毒川烏頭炒黃藥炒各一兩爲末唾調塗之留頭乾則以米泔潤之同上

癰疽久漏瘡口冷膿水不絕內無惡肉大附子以水浸透切作大片厚二分安瘡口上以艾灸之隔數日

一灸灸至五七次仍服內托藥自然肌肉長滿研末作餅子亦可薛心法

癰疽瘡肉如眼不斂諸藥不治此法妙極附子削如棋子大以唾粘貼上用艾火灸之附子焦復唾濕再

灸令熱氣徹內即瘡千金方癰疽肉突烏頭五枚濃醋三升漬三日洗之日夜三四度古今錄

丁瘡腫痛醋和附子末塗之乾再上千金方久生疥癬川烏頭生切以水煎洗甚驗聖惠方

手足凍裂附子去皮爲末以水麪調塗之良談生方試驗方足釘怪疾兩足心凸腫上生黑豆瘡硬如釘脛骨生

碎孔髓流出身發寒顫惟思飲酒此是肝腎冷熱相吞用炮川烏頭末傳之內服非于湯夏氏奇方

風厥癰癩凡中風痰厥癰癩驚風痰涎上壅牙關緊急上視搖擗並宜碧霞丹主之烏頭尖附子尖蠟稍

各七十個石綠研九度飛過十兩爲末麪糊丸茨子大每用一丸薄荷汁半盞化下更服溫酒半合須臾

吐出痰涎爲妙小兒驚癇加白僵蠶等分和劑方臍風撮口生川烏尖三箇全足蜈蚣半條酒浸炙麝香少許爲末以少許吹鼻得嚏乃以薄荷湯灌一字

永類方木舌腫脹川烏尖巴豆研細醋調塗刷集韻方牙痛難忍附子尖天雄尖全蠍各七箇生研爲末點

之永類方奔豚疝氣作痛或陰囊腫痛去鈴丸用生川烏尖七箇巴豆七枚去皮油爲末糕糊丸梧子大朱砂麝香

爲末每服二九空心冷酒或冷鹽湯下三兩日一服

不可多方論割甲成瘡連年不愈川烏頭尖黃藥等分爲末洗了貼之以愈爲度古今錄

老幼口瘡烏頭尖一箇天南星一箇研末薑汁和塗足心男左女右不過二三次即愈

白附子集解別錄曰白附子生蜀郡三月采

陶弘景曰此物久絕無復真者蘇恭曰本出高麗今出涼州以西蜀郡不復有生砂

積下濕地獨莖似鼠尾草細葉周匝生於穗間根形似天雄

李珣曰徐表南州異物記云生東海新羅國及遼東苗與附子相似

李時珍曰根正如草烏頭之小者長寸許乾者皺文有節

氣味辛甘大溫有小毒韓保昇曰甘辛溫

大明曰無毒李珣曰小毒入藥炮用

李杲曰純陽引藥勢上行主治別錄曰心痛血痹面上百病行藥勢

大明曰中風失音一切冷風氣面疔癰疽李珣曰諸風冷氣足弱無力疥癬風瘡陰下濕癢頭

面痕入面脂用王好古曰補肝風虛